

Romane ac universalis ecclesie summo pontifici LVdowicus Dei gracia Romanorum rex semper augustus suus filius devotus cum sui et regni Romani re|commendacione devota pedum oscula beatorum.

Noverit sanctitas vestra nobis quamplurimum veneranda, quod nos confisi de fidelitate, providencia et sinceritate spectabilium virorum Ludowici senioris et Ludowici iunioris de Ötingen comitum, fratris Heinrici de Cipplingen ordinis sancte Marie fratrum Theutonicorum commendatoris domorum in Ulma et Werdea, Eberhardi de Tummnow archidyaconi, Marquardi de Randegge iuris canonici professoris, canonicorum ecclesie Augustensis, et magistri Ulrici de Augusta nostri prothonotarii secretariorum nostrorum specialium, Ludowicum de Ötingen comitem iuniorem, fratrem Heinricum de Cipplingen, Marquardum de Randegge et magistrum Ulricum prothonotarium nostrum prefatos absentes tamquam presentes, Ludowicum de Ötingen comitem seniore et Eberhardum de Tummnow predictos et mandatum nostrum sponte recipientes et quemlibet eorum tam absencium quam presencium in solidum, ita quod non sit melior condicio occupantis seu occupancium, set quod unus vel plures ipsorum inceperint, alius vel alii prosequi valeant et finire, in presencia notariorum publicorum et testium infrascriptorum ad hoc vocatorum specialiter et rogatorum fecimus et constituimus et presentibus nostris litteris facimus et constituimus, creamus et ordinamus modis omnibus, quibus melius de iure facere possumus et valemus, nostros veros certos indubitabiles et legitimos procuratores, ambassiatores, negociorum gestores et nuncios speciales aut quocumque alio nomine melius dici aut nuncupari possint, non revocando propter hoc potestatem, auctoritatem et mandatum antea dictis nostris procuratoribus et eorum cuilibet in aliis nostris procuratoriis¹ sigillo nostro munitis ad infrascripta vel infrascriptorum aliquid per nos datam, traditam et concessam, set volumus potius et mandamus, huiusmodi procuratoria ac omnia et singula in eis contenta necnon omnia et singula, que virtute et auctoritate ipsorum per ipsos procuratores nostros vel eorum aliquem tractantur, geruntur et exercentur, aut si qua per eos incepta, facta, tradita vel quomodolibet ordinata existunt, in suo pleno robore et efficacia permanere. Dantes et concedentes in hiis scriptis eis omnibus et cuilibet eorum

1) Ist das Procuratorium vom gleichen Tage bei Bzovius a. a. O.